


元刊  
前十册



魏本記第三

北史三

高祖孝文皇帝諱宏獻文皇帝之太子也母曰李夫人皇  
興元年八月戊申生於平城紫宮神光照室天地氛氳和  
氣充塞帝絜白有異姿襁褓岐嶷長而弘裕仁孝綽然有  
人君之表獻文尤愛異之三年六月辛未立為皇太子五  
年受禪延興元年秋八月景年皇帝即位於太華前殿改  
皇興五年為延興丁未宋人來聘九月壬戌詔在位及人  
庶進直言壬午青州高陽人村辨聚黨冒號齊王州軍討  
平之冬十月丁亥沃野統萬二鎮敕勤叛詔太尉隴西王  
源賀追擊至枹罕滅之徙其遺迸於異定相三州為營夏

十二月乙酉封駙馬都尉穆亮爲趙郡王壬辰詔求舜後  
獲東萊人媯苟之復其家畢世以彰盛德之不朽復前濮  
陽王孔雀本封辛丑徙趙郡王穆亮爲長樂王癸卯日有  
蝕之

二年春正月大陽蠻酋桓誕率戶內屬拜征南將軍封襄  
陽王曲赦京師及河西南至秦涇西至枹罕北至涼州及  
諸鎮詔假眞外散騎常侍邢祐使於宋二月丁巳詔曰頃  
者淮徐未賓尼父廟隔非所致令祠典寢頓禮章殄滅遂  
使女巫妖覲淫進非禮自今有祭孔廟制用酒脯而已不  
聽婦女雜合以祈非望之福犯者以違制論其公家有事

自如常禮蠕蠕犯塞太上皇帝次於北郊詔諸將討之悉  
遁走北部敕勒叛奔蠕蠕太上皇帝追至石磧不及而還  
三月戊辰以散騎常侍駙馬都尉萬安國爲大司馬大將  
軍封安城王庚午親耕藉田連川敕勒謀叛徙配青徐齊  
充四州爲戶夏四月庚子詔工商雜伎盡聽赴農諸州課  
入益種菜果辛亥宋人來聘癸酉詔沙門不得去寺行者  
以公文是月宋明帝殂五月丁巳詔軍警給璽印傳符次  
給馬印六月安州遭水雹詔馬祖振恤景申詔今年貢舉  
尤爲猥濫自今所遣皆可門盡州郡之高才極鄉閭之選  
戊午行幸陰山秋七月壬寅詔州郡縣各遣二人才堪專

對者赴九月講武當親問風俗八月百濟遣使請兵伐高麗九月辛巳車駕還宮戊申統萬鎮將河間王閻武皮坐食殘賜死己酉詔以州鎮十一水旱丐其田租開倉振恤又詔流迸之人皆令還本違者徙邊冬十月蠕蠕犯塞及五原十一月太上皇帝親討之將度漠蠕蠕聞之北走數千里丁亥封皇叔略爲廣川王壬辰分遣使者巡省風俗問人疾苦帝每月一朝崇光宮十二月庚戌詔曰頃者以來官以勞升未久而代牧守無恤人之心競爲聚斂送故迎新相屬於路非所以固人志隆政道也自今牧守溫良仁儉克已奉公者可以久於其任歲積有成遷位一級其貪

殘非道侵削黎庶者雖在官南爾必加黜罰著之於令以爲勸準詔以代郡事同豐沛代人先配邊戍者免之是歲高麗地豆干虜莫奚高昌等國並遣使朝貢

三年春正月庚辰詔負外散騎常侍崔演使於宋丁亥改崇光宮爲寧光宮二月戊午太上皇帝至自北討飲至策勲告於宗廟甲戌詔縣令能靜一縣劫盜者兼理二縣即食其祿能靜三縣者三年遷爲郡守二千石能靜二郡上至三郡亦如之三年遷爲刺史三月壬午詔諸倉屯穀麥充積者出賜貧人夏四月戊申詔假司空上黨王長孫觀等討吐谷渾拾寅壬子詔以孔子二十八世孫魯郡孔乘

爲崇聖大夫給十戶以供灑掃六月甲子詔曰往年縣名  
秀才二人問守宰善惡而賞者未幾罪者衆多肆法傷生  
情所未忍諸爲人所列者特原其罪盡可代之秋七月詔  
河南六州人戶收絹一匹綿一斤租三十石乙亥行幸陰  
山八月庚申帝從太上皇帝幸河西拾遺謝罪請降許之  
九月辛巳車駕還宮乙亥宋人來聘己亥詔曰今京師及  
天下囚未判在獄致死無近親者給衣衾棺槨葬之不得  
暴露辛丑詔遣十使循行州郡檢括戶口冬十月太上皇  
帝將南巡詔州郡之人十丁取一充行戶租五十石以備  
軍糧十一月戊寅詔以河南州郡牧守多不奉法致新邦

百姓莫能上達遣使者觀風察獄黜陟幽明搜揚振恤癸  
巳太上皇帝南巡至懷州所過問人疾苦賜高年孝悌力  
田布帛十二月癸卯朔日有蝕之庚戌詔關外苑囿聽人  
樵採是歲高麗契丹庫莫奚悉萬斤等國並遣使朝貢州  
鎮十一水旱丐人田租開倉振恤相州人餓死者二千八  
百四十五人扶人劉舉自稱天子齊州刺史武昌王平原  
捕斬之

四年春正月癸酉朔日有蝕之丁丑太尉龍西王源質以  
病辭位二月甲辰太上皇帝至自南巡辛未禁寒食三月  
丁亥詔負外散騎常侍許赤武使於宋夏四月丁卯詔自

今非謀反大逆下紀外奔罪止其身而已秋七月己卯曲赦仇池八月戊申大闕於北郊九月以宋亂故詔將軍元蘭等伐蜀漢冬十月庚子宋人來聘十一月分遣侍臣循河南七州觀察風俗撫慰初附是歲粟特救勒吐谷渾高麗曹利闢悉契丹唐莫奚地豆干等國並遣使朝貢州鎮十三大飢丐人田租開倉振之

五年春二月癸丑詔定考課明黜陟夏四月詔禁畜鷹鷄開相告之制五月景午詔貢外散騎常侍許赤武使於宋丁未幸武州山辛酉幸車輪山六月庚午禁殺牛馬壬申曲赦京師死罪遣備蠕蠕秋九月癸卯洛州人賈伯奴稱

恒農王豫州人田智度稱上洛王郡討平之冬十月太上皇帝大闕於北郊十二月景寅改封建昌王長樂為安樂王己丑城陽王長壽薨庚寅宋人來聘是歲高麗吐谷渾龜茲契丹庫莫奚地豆干蠕蠕等國並遣使朝貢

承明元年春二月司空東郡王陸定國坐事免官爵為兵夏五月冀州人宋伏龍聚眾自稱南平王郡縣捕斬之六月甲子詔中外戒嚴分京師見兵為二等第一軍出遣第一兵二等亦如之辛未太上皇帝崩壬申大赦改元大司馬大將軍安城王萬安國坐法賜死戊寅以征西大將軍安樂王長樂為太尉尚書左僕射南平公自辰為司徒進

封宜都王以南部尚書李訢為司空尊皇太后為太皇太后臨朝稱制秋七月甲辰追尊皇妣李貴人為思皇后漢陽王孔雀有罪賜死八月甲子詔羣公卿士有使人益國者具狀以聞甲戌以長安二蠶多死巧人歲賦之半九月丁亥曲赦京師冬十月丁巳起七寶永安行殿乙丑進假東陽王不爵為王己未詔羣官卿士下及吏人各聽上書直言極諫勿有所隱諸有益政利人可正風俗者有司以聞辛未幸建明佛寺大宥罪人進濟南公羅扶為王是歲蠕蠕高麗庫莫奚波斯契丹宕昌悉萬斤等國並遣使朝貢

太和元年春正月乙酉改元辛亥起太和安昌二殿己酉秦州略陽人王元壽聚眾自號衝天王雲中飢開倉振恤二月辛未秦益三州刺史武都公尉洛侯討破王元壽三月庚子以雍州刺史東陽王丕為司徒景午詔曰去年牛疫死傷大半今東作既興人須肄業其敕在所督課田農有牛者加勤於常歲無牛者倍庸於餘年一夫制田四十畝中男二十畝無令人有餘力地有遺利夏四月樂安王良薨詔復前東郡王陸定國官爵五月車駕祈雨於武州山俄而澍雨大洽秋七月壬辰京兆王子推薨庚子定三等死刑己酉起朱明思賢門是月宋人殺其主昱八月壬

子大赦景子詔曰工商阜隸各有厥分而有司縱濫或染清流自今凡內有工役者唯止本部丞已下準次而授若階藉元勳以勞定國者不從此制戊寅宋人來聘九月乙酉詔羣臣定律令於太華殿庚子起永樂遊觀殿於北苑穿神泉池冬十月辛亥朔日有蝕之癸酉宴京邑耆老年七十已上於太華殿賜以衣服詔七十已上一子不從役宋設蘆戍主楊文度遣弟鼠襲陷仇池十一月丁亥懷州人伊祁苟自稱堯後應王聚衆於重山洛州刺史馮熙討平之閏月庚午詔負外散騎常侍李長仁使於宋十二月壬寅征西將軍皮喜攻陷葭蘆斬楊文度傳首京師丁未州郡八水旱蝗人飢詔開倉振恤是歲高麗契丹庫魯奚蠕蠕車多羅西天竺舍衛疊扶羅栗楊婆真闍等國並遣使朝貢

二年春正月丁巳封昌黎王馮熙第二子始興爲北平王二月丁亥行幸代之湯泉所過問人疾苦以宮文賜貧人無妻者癸卯車駕還宮乙酉晦日有蝕之三月景子以河南公梁彌機爲宕昌王夏四月己丑宋人來聘京師旱甲辰祈天災於北苑親自禮焉減膳避正殿景午樹雨大洽曲赦京師五月詔曰廼者人漸奢尚殮葬越軌又皇族貴戚及士庶之家不惟氏族高下與非類婚偶先帝親發明



七  
認爲之科禁而百姓習常仍不肅改朕念憲章舊典永爲  
定準犯者以違制論六月庚子皇叔若薨秋八月分遣使  
者考察守宰問人疾苦景戌詔罷諸州禽獸之貢九月乙  
巳朔日有蝕之景辰曲赦京師冬十月壬辰詔員外散騎  
常侍鄭義使於宋十二月癸巳誅南郡王李惠是歲龜茲  
國獻名驪龍馬珍寶甚衆吐谷渾蠕蠕勿吉等國並遣使  
朝貢州鎮二十餘水旱人飢詔開倉振恤

三年春正月癸丑以德六合殿成庚申詔罷行察官二月  
辛巳帝太皇太后幸代郡湯泉問人疾苦鰥寡貧者妻或  
宮女已亥還宮三月癸卯朔日有蝕之甲辰曲赦京師夏

四月壬申宋人來聘癸未樂良王樂平薨甲午宋順帝禪  
位于齊奩子進淮陽公尉元爵爲王宜都王日辰有罪賜  
死五月丁巳帝祈雨於心苑開陽門是日澍雨大洽六月  
辛未以雍州人飢開倉振恤起文石室靈泉殿於方山秋  
七月壬寅詔免宮人年老及病者八月壬申詔羣臣違直  
言之亥幸方山起思遠佛寺丁丑還宮九月壬子以司徒  
東陽王丕爲太尉趙郡公陳寔爲司徒進爵魏郡王河南  
公苟頹爲司空進爵河東王淮太原公王徽中山王隴東  
公張祐新平王乙未定州刺史安樂王長樂有罪賜死庚  
申隴西王源賀薨冬十月己巳朔大赦十一月癸卯賜京

師貧窮高年疾患不能自存衣服布帛各有差矣丑進殿  
梁郡公元嘉爵為假王督二將出淮陰隴西公元琛二將  
出廣陵河東公薛豹子三將出廣固至壽春昌元歲吐谷渾  
高麗蠕蠕地豆干契丹年莫奈龜茲粟特州逸河龍巖伏  
羅負關悉萬斤等國各遣使朝貢

四年春正月癸卯乾象六合殿成乙卯廣川王略薨丁巳  
罷畜雁鴝之所以其地為報德佛寺戊午襄城王韓頽有  
罪削爵徙邊二月癸巳以旱故詔天下祀山川羣神及能  
興雲雨者修飾祠堂薦以牲璧人有疾苦所在存問夏四  
月乙卯幸廷尉籍坊一獄引見諸囚詔隨輕重決遣以赴

耕耘甲申賜天下貧人一戶之內無雜財穀帛者粟二年  
六月丁卯以澍雨大洽曲赦京師秋七月辛亥行幸太山  
壬子詔會京師耆老賜錦綵衣服几杖稻米蜜麵復家人  
不徭役閏月丁亥幸獸園親錄囚徒輕者皆免之壬辰頓  
丘王李鍾葵有罪賜死八月乙酉詔諸州置冰室九月乙  
亥思義殿成壬午東明觀成戊子詔曰隆寒雪降可遣侍  
臣詣廷尉獄及囚所察飢寒者給以衣食桎梏者代以輕  
鎖是歲郡鎮十八水旱人飢詔開倉振恤蠕蠕悉萬斤等  
國並遣使朝貢

五年春正月己卯南巡丁亥至中山親見高年問人疾苦

二月辛卯朔大赦賜孝悌力田孤貧不能自存者穀帛各有差免官人之老者還其親丁酉至信都存問如中山癸卯還中山己酉講武于唐水之陽庚戌車駕還宮沙門法秀謀反伏誅假梁郡王嘉大破齊俘獲三萬餘口送京師三月辛酉朔幸肆州癸亥講武于雲水之陽所經考察守宰黜陟之己巳車駕還宮詔曰法秀妖詐亂常妄說符瑞蘭臺御史張求等一百餘人招結奴隸謀爲大逆有司科以族誅誠合刑憲但矜愚重命猶所不忍其五族者降止同祖三族止一門門誅止身夏四月己亥行幸方山建永固石室於山立碑焉銘太皇太后終制于金冊又起鹽玄

殿甲寅以旱故詔所在掩骸骨祈禱神祇任城王雲薨五月庚申以農月特要詔天下勿使有留獄六月甲辰中山王叡薨戊午封皇叔簡爲齊郡王猛爲安豐王秋七月庚申朔日有蝕之甲子齊人來聘九月庚午關武於南郊大饗群臣齊使車僧朗以班在宋使殷靈誕後辭不就席宋降人辭奉君刀僧朗於會中詔誅奉君等乙亥封昌黎王馮熙世子誕爲南平王冬十二月癸巳州鎮十二飢詔開倉振恤是歲鄧至蠕蠕等國並遣使朝貢六年春正月甲戌大赦二月辛卯詔以靈丘郡土旣徧墾又諸州路衝復其人租十五年癸巳白蘭王吐谷渾襲

以誣罔伏誅乙未詔曰蕭道成逆亂江淮戎旗頻舉七州  
之人既有征運之勞深乖輕徃之義其復常調三年癸丑  
賜王公已下清勤著稱者穀帛有差三月庚辰幸獸園詔  
曰武狼猛暴食肉殘生從今勿復捕貢辛巳幸武州山石  
密寺賜貧老衣服是月齊高帝殂夏四月甲辰賜畿內鰥  
寡孤獨不能自存者粟帛各有差秋七月發州郡五萬人  
修靈丘道八月癸未朔分遣大使巡行天下遭水之處丐  
其租賦貧儉不自存者賜以粟帛庚子罷山澤禁九月辛  
酉以氏揚後起爲武都王是歲地豆干吐谷渾等國並遣  
使朝貢

七年春正月庚申詔曰朕每思知百姓疾苦以增脩寬政  
故具問守宰苛虐之狀於州郡使者今秀考計錄對多不  
實其乖朕虛求之意宜案以大辟明罔上必誅然情猶未  
忍可恕罪聽歸申下天下使知後犯無恕丁卯詔青齊光  
東徐四州戶運倉粟二十萬石送瑕丘琅邪復租竿一年  
三月甲戌以冀定二州飢詔郡縣爲粥於路以食之又弛  
關津之禁夏四月庚子幸崑山賜所過鰥寡粟不能自存者  
衣服粟帛壬寅車駕還宮閏月癸丑皇子生大赦六月定  
州上言爲粥所活九十四萬七千餘口秋七月甲申詔假  
貢外散騎常侍李彪使於齊改封濟南王羅拔爲趙郡王

九月壬寅詔求讜言異州上言為粥所活七十五萬一千七百餘口冬十月戊午皇信堂成十一月辛丑齊人來聘十二月乙巳朔日有蝕之癸丑詔曰夏殷不嫌一族之婚周世始絕同姓之娶斯皆教隨時設政因事改者也皇運初基日不暇給古風遺樸未遑釐改自今悉禁絕之有犯者以不道論庚午開林慮山禁與人共之州鎮十三飢詔開倉振恤

八年春正月詔隴西公琛尚書陸叡為東西二道大使褒善罰惡夏五月己卯詔振賜河南七州戍兵甲申詔負於散騎常侍李彪使於齊六月丁卯詔曰置官班祿行之尚

矣自中原喪亂茲制中絕先朝因循未遑釐改朕顧憲章舊典始班俸祿罷諸商人以簡人事戶增調三匹穀二斛九斗以為官府之祿均預調為二匹之賦即兼商用雖有一時之煩終克永逸之益祿行之後賦滿一匹者死變法改度宜為更始其大赦天下與之惟新戊辰武州水壞人居秋八月中辰詔以班制俸祿更興刑書寬猛未允人或異議制百辟卿士工商吏人各上便宜勿有所隱九月甲午齊人來聘戊戌詔俸制十月為首每季一請於是內外百官受祿有差冬十一月乙未詔負於散騎常侍李彪使于齊十二月州鎮十五水旱人飢詔使者開倉振恤是歲

播蠕高顯等國各遣使朝貢

九年春正月戊寅詔禁圖讖祕諱及名孔子閉房記蜀者  
以大辟論又諸巫覡假稱神鬼妄說吉凶及委巷諸非墳  
典所載者嚴加禁斷癸未大饗群臣于太華殿班賜皇誥  
二月己亥制皇子封王者皇孫皇曾孫紹封者皇女封者  
歲祿各有差封廣陽王建第二子嘉為廣陽王乙巳詔百  
辟卿士工商吏人各上書極諫靡有所隱三月景申封皇  
弟禧為咸陽王幹為河南王羽為廣陵王雍為潁川王勰  
為始平王詳為北海王夏五月齊人來聘秋七月景午朔  
新作諸門癸未遣使拜宕昌王梁彌機兄子彌承為宕昌

王八月庚申詔曰數州災水飢饉荐臻致有賣鬻男女者  
天譴在于一人百姓橫罹艱毒今自太和六年己未曾定  
冀幽相四州飢人良口者盡還所親雖娣為妻妾遇之非  
理情不樂者亦離之冬十月丁未詔使者循行州郡與牧  
守均給天下之田還受以生死為斷勸課農桑興富人之  
本辛酉司徒魏郡王陳建薨詔負外散騎常侍李彪使於  
齊十二月己卯以待中淮南王休為司徒定歲京師及州  
鎮十三水旱傷稼石昌高麗吐谷渾等國並遣使朝貢  
丁丑春正月癸亥朔帝始服衮冕朝饗萬國二月甲戌初  
立書里隣三長定人戶籍三月庚戌齊人來聘夏四月辛

國初始制五等公服甲子帝初法服御輦祀西郊六月己卯名皇三白恂大赦秋八月乙亥給尚書五等印壽已上宋衣玉珮大小組綬六月辛卯詔起明堂辟雍冬十月癸酉有司議休政事既始起於南郊十一月議定刑部縣官依口給俸十二月乙酉以南潁川飢詔丐人田租開倉振恤是歲蠲蠲高麗以谷渾勿吉等國並遣使朝貢

十一年春正月丁亥朔詔定樂章非雅者除之二月甲子肆州之鴈門及代郡人飢詔開倉振恤夏五月癸巳南平王渾瑊田午詔復七廟子孫及外戚總服已上賦役無所與六月辛巳秦州人飢詔開倉振恤秋七月己丑詔今年

穀不登聽人出關就食遣使者造籍分遣去留所在開倉振恤八月壬申蠕蠕犯塞遣平原王陸叡討之庚辰大議北伐平已罷山北苑以其地賜貧人冬十月辛未詔罷起部無益之作出官人不執機行者甲戌詔曰鄉飲之禮廢則長幼之序亂矣冬十月人閑歲隙宜於此時導以德義可下諸州黨惡之內推賢而長者教其里人父慈子孝兄友弟順夫和妻柔不淫長教者具以名聞十一月丁未詔罷尚方錦綺織羅之工百姓欲造任之無禁其御府衣服金銀珠玉綾綺錦綉六官雜器太僕乘具內庫弓矢出其大半班資百官及京師人悉下至工尚早隸逮於六鎮戍士

各有羌六申詔今寒氣到切無難任自今月至來年孟夏不聽科問罪人六歲就輕口三遠決了無令薄罪六留獄行十二月詔祕書丞李彪並作崔光改祈國記依紀傳體是歲大飢詔六五門舍賑恤吐谷渾高麗悉萬斤等國並遣使朝貢

十二年春正月辛巳朔丁酉平旌旗乙未詔鎮戍流徙之人全滿七十孤軍六窮獨無成人子孫勞無其親者具狀以聞二月辛亥朔日有蝕之三月丁亥中散梁衆保等謀反伏誅夏四月甲子大赦己巳齊將陳顯達攻陷瀋陽長樂王穆亮率騎討之五月丁酉詔六鎮雲中河西及關內

郡名脩水田通渠溉灌壬寅增置彝器於太廟秋九月甲午詔日蝕脩德月蝕脩刑廼者癸巳夜月蝕盡公卿已下宜慎刑罰以答天意丁酉起宣文堂經武殿癸卯淮南王他薨冬閏十月甲子帝親築園立于南郊十一月雍豫二州人飢詔開倉振恤梁州刺史臨淮王提坐貪縱配北鎮是歲高麗宕昌吐谷渾勿吉武興等國並遣使朝貢十三年春正月辛亥祀圓丘初備大駕乙丑兖州人王伯恭聚衆勞山自稱齊王東萊鎮將孔伯孫討斬之戊辰齊人寇邊淮南太守王僧雋擊走之二月庚子引羣臣訪政道得失損益之宜三月夏州刺史章武王彬以貪財削封



夏四月丁丑詔曰升樓散物以資百姓至使人馬騰踐多有毀傷今可斷之以本所費之物賜窮老貧獨者州鎮千五大飢詔所在開倉振恤五月庚戌祀方澤六月汝陰王天賜南安王禎並坐贓賄免為庶人秋七月立孔子廟於京師八月乙亥詔兼負外散騎常侍邢產使於齊九月出宮人賜北鎮人貧鰥者冬十一月己未安豐王猛薨十二月景子司空河東王苟勣薨甲午齊人來聘己亥以尚書令尉元爲司徒左僕射穆亮爲司空是歲高麗吐谷渾陰平中赤武興宕昌等國各遣使朝貢

十四年春正月己巳朔日有蝕之三月戊寅初詔定起居

注制詔遣侍臣巡行州郡問人疾苦夏四月地豆干頻犯塞甲戌征西大將軍陽平王熙擊走之甲午詔兼負外散騎常侍邢產使於齊五月己酉庫莫奚犯塞安州都將樓龍兒擊走之沙門司馬御惠自言聖王謀破平原郡禽獲伏誅秋七月甲辰詔罷都牧雜制八月詔議國之行次九月癸丑太皇太后馮氏崩詔聽藩鎮曾經內侍者前後奔赴冬十月戊辰詔將親侍龍輿奉訣陵隧諸常從之具悉可停之其武衛之官防侍如法癸酉葬文明太皇太后於永固陵甲戌車駕謁永固陵羣臣固請公除帝不許己卯車駕謁永固陵庚辰帝居廬引見羣寮於太和殿太尉東

陽王丕等據權制固請帝引古禮往復羣臣乃止京兆王  
太興有罪免官削爵詔曰公卿屢依金冊遺旨中代權制  
或請過葬即吉朕思遵遠祖終三年之制依禮既虞卒哭  
此月二十一日投服以葛易麻既以衰服在上公卿不得  
獨釋於下故於朕之投服變從練禮已下復為節降斟酌  
古今以制厥衷且取遺旨速除之一端粗申臣子罔極之  
巨痛癸未詔曰朕遠遵古式欲終三年之禮百辟羣臣據  
金冊顧命將奪朕心從先朝之制朕仰惟金冊俯自推省  
取諸二衷不許衆議以衰服過期終四節之慕又奉遵聖  
訓聿脩誥旨不敢暗默自居以曠機政庶不愆遺令之意

老衰哀慕之情並下州鎮長至三元絕告慶之禮甲申車  
駕謁求固陵十一月甲寅詔內外職人先朝班次及諸方  
雜客冬至之日盡聽入臨三品已下衰服者至夕復臨其  
餘唯旦臨而已其拜哭之節一依別儀丁巳齊人來聘十  
二月壬午詔依准立井之式遣使與州郡宣行條制隱戶  
漏丁即聽附實若朋附豪勢陵抑孤獨罪有常刑是歲吐  
谷渾宕昌武興陰平高麗等國並遣使朝貢

十五年春正月丁巳帝始聽政於皇信東室初分置左右  
史官癸亥晦日有蝕之二月己丑齊人來聘三月甲辰車  
駕謁求固陵夏四月癸亥帝始進蔬食乙丑謁求固陵自

正月不雨至于癸酉有司奏祈百神詔曰何宜四氣未周  
便行禮事唯當考躬責已以待天譴甲戌詔負外散騎常  
侍李彪使於齊已卯經始明堂改營太廟五月己亥議改  
律令於東明觀折疑獄乙卯抱罕鎮將長孫百年攻吐谷  
渾所置洮陽泥和甲戌剋之俘獲三萬餘人詔悉免歸景  
辰詔造五輅六月丁未濟陰王欝以貪殘賜死秋七月乙  
丑謁求固陵規建壽陵已卯詔議祖宗以道武皇帝為太  
祖乙酉車駕巡省京邑聽訟而還八月壬辰議養老又議  
肆類上帝禋于六宗禮帝親臨決詔郡國有時物可以薦  
宗廟者貢之戊戌移道壇於桑乾之陰改曰崇虛寺己亥

詔諸州舉秀才先盡才學乙巳親定禘祫禮丁巳議律令  
事仍省雜祀九月辛巳齊人來聘冬十月庚寅車駕謁求  
固陵是月明堂太廟成十一月丁卯遷七廟神主於新廟  
乙亥大定官品戊寅考諸牧守詔假通直散騎常侍李彪  
聘於齊景戌初罷小歲賀丁亥詔二千石考上上者假四  
品將軍賜乘黃馬一匹上中者五品將軍上下者衣一襲  
十二月壬辰遷社於內城之西癸巳班賜刺史已下衣冠  
以安定王休為太傅齊郡王簡為太保帝為高麗王璉舉  
哀於城東行宮己酉車駕迎春於東郊辛卯詔簡選樂官  
是歲吐谷渾悉萬斤高麗鄧至宕昌等國並遣使朝貢

十六年春正月戊午朔朝饗羣臣於太華殿帝始為王公  
與縣而不樂己未宗祀顯祖獻文皇帝於明堂以配上帝  
遂升臺以觀雲物降居青陽左个布政事每朔依以為常  
辛酉始以太祖配南郊壬戌詔定行次以水承金甲子詔  
罷袒裸乙丑制諸遠屬非太祖子孫及異姓為王者皆降  
為公公為侯侯為伯子男仍舊皆除將軍之號戊辰帝臨  
思義殿策問秀孝景子始以孟月祭廟二月戊子帝移御  
求樂宮庚寅壞太華殿經始太極殿辛卯罷寒食享壬辰  
辛北部曹歷觀諸省巡省京邑聽理冤訟甲午車駕初朝  
日子東郊遂以為常丁酉詔祀唐堯於平陽虞舜於廣籟

夏禹於安邑周文於洛陽丁未改謚宣尼曰文聖尼父告  
謚孔廟三月丁卯巡省京邑癸酉省西郊天雜事乙亥  
車駕初迎氣於南郊自此為常辛巳以高麗王璉孫雲為  
其國王齊人來聘夏四月丁亥朔頒新律令大赦甲寅幸  
皇宗學親問博士經義五月癸未詔羣臣於皇信堂更定  
律條流徒限制帝親臨決之秋七月壬戌詔曰自今選舉  
每以季月本曹與吏部銓簡甲戌詔兼負外散騎常侍朱  
弁使於齊八月庚寅車駕初祀夕月於西郊遂以為常乙  
未詔陽平王順左僕射陸叡督十二將北討蠕蠕景午宕  
昌王梁彌承來朝司徒尉元以老遜位己酉以尉元為三

老游明根爲五更又養國老庶老將行大射之禮雨不克  
成癸丑詔曰國家雖宗文以懷九服修武以寧八荒然於  
習武之方猶爲未盡將於馬射之前先行講武之式可敕  
有司豫修場埽其列陣之儀五戎之數別俟後敕九月甲  
寅朔大序昭穆於明堂祀文明太皇太后於玄堂辛未帝  
以文明太皇太后再周忌日哭於陵左絕膳三日哭不輟  
聲辛巳武興王揚集始來朝冬十月己亥以太傅安定王  
休爲大司馬特進馮誕爲司徒甲辰詔以功臣配饗太廟  
庚戌太極殿成饗群臣十一月乙卯依古六寢權制三室  
以安昌殿爲內寢皇信堂爲中寢四下爲外寢十二月賜

京邑老人鳩杖齊人來聘是歲高麗鄧至契丹齧共合渾  
等國並遣使朝貢

十七年春正月壬子朔饗百寮於太極殿乙丑詔大賜諸  
蕃君長車旗衣馬錦綵繒纒多者一千少者二百各以命  
數爲差詔兼負外散騎常侍邢巒使於齊景子以吐谷渾  
伏連壽爲其國王庚辰蠲大司馬安定王休太保齊郡王  
簡胡望之朝二月乙酉詔賜議律令之官各有金已酉車  
駕始藉田於都南三月戊辰改作後宮夏四月戊戌立皇  
后馮氏是月齊直閣將軍蠻酋田益宗率部落內屬五月  
壬戌宴四廟子孫於宣文堂帝親與之齒行家人禮甲子

帝臨朝堂引見公卿以下決疑政錄因徒丁丑以旱徹膳  
襄陽蠻酋雷婆思等率其部內徙居於太和川六月庚辰  
朔日有蝕之景戊帝將南伐詔造河橋乙未講武乙巳詔  
曰比百秩雖陳事典未叙自八元樹位躬加省覽作職負  
令二十一卷事迫戎期未善周悉須待軍迴便論所闕權  
可付外施行立皇子恂為皇太子秋七月癸丑以皇太子  
立詔賜人為父後者爵一級為公士曾為吏屬者爵二級  
為上造鰥寡孤獨不能自存者人粟五斛戊午中外戒嚴  
是月齊武帝殂八月乙酉三老山陽郡公尉元薨景戌車  
駕輿於上帝遂臨尉元喪丁亥帝辭求固陵己丑發京師

南伐步騎三十餘萬太尉不奏請以官人從詔以臨戎不  
語內事不許壬寅車駕至肆州人年七十已上賜爵一級  
路見眇跛停駕親問賜衣食復終身戊申幸并州親見高  
年問疾苦九月壬子詔兼貧外散騎常侍高聰聘於齊丁  
巳詔車駕所經傷人秋稼者畝給穀五斛戊辰濟河詔洛  
懷并肆所過四州賜高年爵恤鰥寡孤獨各有老孝節廉  
義文武應求者皆以名聞又詔所養戶不得與庶士婚有  
文武之才積勞應進者同庶族例聽之庚午幸洛陽周巡  
故宮基跡帝顧謂侍臣曰晉德不修荒毀至此遂詠黍離  
詩為之流涕壬申觀河橋幸太學觀石經景子六軍發

丁丑帝戎服執鞭御馬而出羣臣稽顙於馬前請停南伐  
帝乃止仍議遷都計冬十月戊寅朔幸金墉城詔徵司空  
穆亮與尚書李冲將作大匠董爵經始洛京己卯幸河南  
城乙酉幸豫州癸巳次於石濟乙未解嚴設壇於滑臺營  
詔京師及諸州從戎者賜爵一級應募者加二級主將加  
三級癸卯幸鄴城乙巳詔安定王休率從官迎家口於代  
車駕送於漳水上初帝之南伐起宮殿於鄴西十一月癸  
亥宮成徙御焉十二月戊寅巡省六軍乙未詔隱恤軍士  
死亡疾病務令優給是歲勿吉吐谷渾宕昌陰平契丹盧  
莫奚高麗鄧至等國並遣使朝貢

十八年春正月丁未朔朝群臣於鄴宮澄鸞殿癸亥南巡  
詔相兗豫三州賜高年爵恤鰥寡孤老各有若孝悌廉義  
文武應求者皆以名聞戊辰經殷比干墓祭以太牢乙亥  
幸洛陽西宮二月己丑行幸河陰規建方澤之所景申徙  
封河南王幹為趙郡王潁川王雍為高陽王壬寅北巡癸  
卯齊人來聘甲辰詔喻天下以遷都意閏月癸亥次勾注  
陘南皇太子朝于蒲地壬申至平城宮癸酉臨朝堂部分  
遷留甲戌謁永固陵三月庚辰罷西郊祭壬辰帝臨太  
極殿喻在代群臣遷移之略夏五月甲戌朔日有蝕之乙  
亥詔罷五月五日七月七日饗六月己巳詔兼負外散騎

常侍盧昶使於齊秋七月乙亥以宋王劉昶為大將軍壬辰北巡戊戌謁金陵辛丑幸朔州是月齊蕭鸞殺其主昭業八月癸亥皇太子朝於行宮甲辰行幸陰山觀雲川丁未幸闕武臺臨觀講武因幸懷朔武川撫冥柔玄等四鎮乙丑南還所過皆親見高年問人疾苦貧窘孤老者賜以粟帛景寅詔六鎮及禦夷城人年老孤貧廢疾者賜粟宥罪各有差戊辰車駕次旋鳴也庚午謁永固陵辛未還平城宮九月壬申朔詔曰三載考績自古通經三考黜陟以彰能否朕今二載一考考即黜陟欲令愚滯無妨於賢者不能不擁於下位各令當曹考其優劣為三等六品已下

尚書重問五品已上朕將親與公卿論其善惡上上者遷之天下者黜之中中者守其本任壬午帝臨朝堂親加黜陟壬辰陰平王陽景來朝冬十月甲辰以太尉東陽王丕為太傅戊申親告太廟奉迎神主辛亥車駕發平城宮壬戌次於中山之唐湖乙丑分遣侍臣巡問疾苦已巳幸信都庚午詔曰比聞緣邊之蠻多有竊掠致有父子乖離室家分絕可詔荆郢東荆三州勒諸蠻人勿有侵暴是月齊蕭鸞殺其主昭文而自立十一月辛未朔詔冀定二州賜高年爵恤鰥寡孤老各有差孝義廉貞文武應求者具以名聞丁丑幸鄴甲申經比干墓親為帛文樹碑刊之已丑



車駕至洛陽十二月辛丑朔分命諸將南征壬寅革衣服  
之制癸卯詔中外戒嚴戊申復代遷戶租賦三歲己酉詔  
王公伯子男開國食邑者王食半公三分食一侯伯四分  
食一子男五分食一辛亥車駕南伐丁卯詔郢豫二州賜  
高年爵恤孤寡鰥老各有差緣路之丁復田租一歲孝悌  
廉貞文武應求者具以名聞戊辰車駕至懸瓠己巳詔壽  
陽鍾離馬頭之師所獲男女口皆放還南是歲高麗國遣  
使朝貢

十九年春正月辛未朔朝饗群臣於懸瓠癸酉詔禁淮北  
人不得侵掠犯者以大辟論壬午講武於汝水西大賚六  
軍平南將軍王肅左將軍元麗並大破齊軍己亥車駕濟  
淮二月甲辰幸八公山路中雨甚詔去蓋見軍士病者親  
隱恤之戊申車駕巡淮南東人皆安堵租運屬路景辰幸  
鍾離戊午軍士禽齊人三千帝曰在君爲君其人何罪於  
是免歸辛酉發鍾離將臨江水司徒馮誕薨壬戌詔班師  
丁卯遣使臨江數齊主罪惡三月戊子太師馮熙薨夏四  
月丁未曲赦徐豫二州其運轉之士復租三年辛亥詔賜  
高年爵恤孤寡老疾各有差德著立園者具以名聞齊人  
降者給復十五年癸丑幸小沛使以太牢祭漢高祖廟己  
未幸瑕丘使以太牢祠岱嶽詔宿衛武官增位一級庚申

幸魯城親祠孔子廟辛酉詔拜孔氏四人顏氏二人爲官  
詔兖州刺史舉部內士人堪軍國及守宰政績者具以名  
聞詔賜兖州人爵及粟帛如徐州又詔選諸孔宗子一人  
封崇聖侯邑一百戶以奉孔子祀命兖州爲孔子起園相  
修飾墳隴更建碑銘褒揚聖德戊辰行幸碭碭太和廟成  
五月己巳城陽王鸞赭陽失利降爲定襄縣王廣川王諧  
薨庚午遷文成皇后馮氏神主於太和廟甲戌行幸滑臺  
景子次于石濟庚辰皇太子朝於平挑城癸未車駕至自  
南伐甲申減閑官祿以裨軍國之用乙酉行飲至禮班賜  
各有著甲午皇太子冠於廟六月己亥詔不得以北俗之

語言於朝廷違者免所居官辛丑詔復軍士從駕渡淮者  
租賦三年癸卯詔皇太子赴平城宮壬子詔濟州東郡滎  
陽及河南諸縣車駕所經者賜高年爵恤孤寡老疾各有  
差孝悌廉義文武應求者具以名聞癸丑求天下遺書祕  
閣所無有裨時用者加以厚賞乙卯曲赦梁州復人田租  
三歲景辰詔遷洛人死葬河南不得還北於是代人南遷  
者悉爲河南洛陽人戊午詔改長赤大斛依周禮制度班  
之天下秋八月幸西宮路見壞塚露棺駐輦埋之乙巳詔  
選天下勇士十五萬人爲羽林武賁以充宿衛丁巳詔諸  
從兵從征被傷者皆聽還本金墉宮成甲子引群臣歷宴

殿堂九月六宮及文武盡遷洛陽景戌行幸鄴丁亥詔諸  
墓舊銘記見存昭然爲時人所知者三公及位從公者去  
墓三十步尚書令僕九列十五步黃門五校十步各不聽  
墾殖壬辰遣黃門郎以太牢祭比干墓乙未車駕還宮冬  
十月甲辰曲赦相州賜高年爵恤孤老痼疾各有差景辰  
車駕至自鄴辛酉詔州郡舉士壬戌詔諸州牧考屬官爲  
三等之科以聞將加親覽以定升降詔徐兗光南青荆洛  
六州嚴纂戎備應須赴集十一月行幸委粟山議定圓丘  
甲申祀圓丘景戌大赦十二月乙未朔引見群臣光極堂  
宣下品令爲大選之始辛酉以咸陽王禧爲長兼太尉

前安南王禎本爵甲子引見群臣光極堂班賜冠服是歲

高麗鄧至吐谷渾等國各遣使朝貢

二十年春正月丁卯詔改姓元氏壬辰封始平王勰爲彭  
城王復封定襄王騫爲城陽王二月辛丑幸華林聽訟於  
都亭壬寅詔自非金革皆聽終三年喪景午詔畿內七十  
已上暮春赴京師將行養老禮庚戌幸華林聽訟於都亭  
癸丑詔介山之邑聽爲寒食自餘禁斷三月景寅宴群臣  
及國老庶老於華林園詔國老黃耆以上假中散大夫郡  
守耆年以上假給事中縣令庶老直假郡縣各賜鳩杖衣  
裳丁丑詔諸州中正各舉其鄉人望年五十已上守素衡

門者授以令長夏五月景子詔敦勸農功令畿內嚴加課  
督墮業者申以楚撻力田者具以名聞景戌初營方澤於  
河陰遣使以太牢祭漢光武及明章二帝陵又詔漢魏晉  
諸帝陵各禁方百步不得樵蘇踐藉丁亥祀方澤秋七月  
廢皇后馮氏戊寅帝以久旱咸秩群神自癸未不食至  
乙酉是夜澍雨大洽八月壬辰朔幸華林園親錄囚徒咸  
降本罪二等決遣之丁巳南安王禎薨幸華林園聽訟九  
月戊辰車駕閱武于小平津癸酉還宮丁亥將通洛水入  
穀帝親臨觀庚寅晦日有蝕之冬十月戊戌以代遷之士  
督為羽林武賁司州之人十二夫調一吏為四年更卒歲

開番假以供公私力役己酉曲赦京師十一月乙酉復封  
前汝陰王天賜孫景和為汝陰王前京兆王太興為西河  
王十二月甲子以西北州郡旱儉遣侍臣巡察開倉振恤  
乙丑開鹽池禁景寅廢皇太子恂為庶人戊辰置常平倉  
樂陵王思譽知恒州刺史穆泰謀反不告削爵為庶人  
二十一年春正月景申立皇子恪為皇太子賜天下為父  
後者爵一級己亥追侍臣巡方省察問人疾苦黜陟守宰  
乙巳北巡二月壬戌次於太原親見高年問所不便乙丑  
詔并州士人年六十以上假以郡守先是定州人王金鈞  
訛言自稱應王景寅州郡捕斬之癸酉車駕至平城甲戌

謁求固陵乙未南巡甲寅詔汾州賜高年爵各有差景辰  
次平陽使以太牢祭唐堯夏四月庚申幸龍門使以太牢  
祭夏禹癸亥幸蒲坂使以太牢祭虞舜修堯舜夏禹廟辛  
未幸長安壬申武興王楊集始來朝乙亥親見高年問所  
疾苦景子遣侍臣分省縣邑振賜穀帛戊寅辛未央殺阿  
房宮遂幸昆明池癸未宋王劉昶薨景戌使以太牢祀漢  
帝諸陵五月丁亥朔衛大國遣使朝貢己丑車駕東旋汎  
渭入河庚寅詔雍州士人百年以上假華郡太守九十以  
上假荒郡八十以上假華縣七十以上假荒縣庶老以年  
各減一等七十已上賜爵三級其管舩夫賜爵一級孤寡

鰥寡各賜穀帛其孝友德義文武才幹悉仰貢舉壬辰使  
以太牢祭周文王於鄠祭周武王於鎬癸卯遣使祭華岳  
六月庚申車駕至自長安壬戌詔異定瀛相濟五州發卒  
士二十萬將以南討癸亥司空穆亮遜位秋七月甲午立  
昭儀馮氏爲皇后甲寅帝親爲群臣講喪服於清徽堂八  
月景辰詔中外戒嚴壬戌立皇子愉爲京兆王懌爲清河  
王懷爲廣平王戊辰講武於華林園庚辰車駕南討九月  
景申詔司州洛陽人年七十以上無子孫六十以上無眷  
親貧不自存者給以衣食及不滿六十而有廢痼之疾無  
大功親窮困無以自療者皆於別坊遣醫救護給太醫師

四人豫請藥物療之辛丑帝留諸將攻赭陽引師南討丁未車駕發南陽留太尉咸陽王禧前將軍元英攻之己酉車駕至新野冬十月丁巳四面進攻不尅詔左右軍築長圍以守之乙亥遣廢貞皇后林氏爲庶人十一月丁酉大破齊軍於沔北於是人皆復業九十以上假以郡守六十五以上假以縣令十二月丁卯詔流徙之囚皆勿決遣登城之際令其先鋒自劾庚午車駕臨沔遂東還戊寅還新野己卯親行營壘恤六軍以齊郡王子琛紹河間王若後高昌國遣使朝貢

二十二年春正月癸未朔饗群臣於新野行宮丁亥拔新野斬其太守刘忌於死庚午至自新野辛未詔以穰人首歸大順始終若一者給復三十年標其所居曰歸義鄉次降者給復十五年三月壬午朔大破齊將崔慧景蕭衍軍於鄧城庚寅行幸樊城觀兵襄沔耀武而還曲赦二荆魯陽辛亥行幸懸瓠夏四月趙郡王幹薨秋七月壬午詔后之私府損半六宮嬪御五服男女恒恤恒供亦令減半在戎之親三分省一以供賞是月齊明帝殂八月辛亥皇太子自京師來朝壬戌高麗國遣使朝貢九月己亥帝以禮不伐喪詔反旆景午車駕發懸瓠冬十月己酉朔曲赦二豫州殊死已下復人田租一歲十一月辛巳幸鄴

二十三年春正月戊寅朔朝饗群臣於鄴先是帝不豫至  
是有燕夷辰羣臣上壽大饗於登鸞殿壬午幸西門豹祠  
遂歷漳水而還戊戌東旋至自鄴癸卯行飲至策勳之禮  
甲辰大赦太保齊郡三簡薨二月辛亥以長兼太尉咸陽  
王禧為太尉癸亥以中軍大將軍彭城王勰為司徒復樂  
陵王思譽本封癸酉齊將陳顥達攻陷馬圈戊三月庚辰  
車駕南伐癸未次梁城景戌帝不豫丁酉車駕至馬圈戊  
戌頓戰破之己亥收其戎資億計諸將追奔漢水斬獲及  
赴水死者十八九庚子帝疾甚車駕北次穀塘原甲辰詔  
賜皇后馮氏死詔司徒勰徵太子於魯陽踐阼以北海王

詳為司空王肅為尚書令廣陽王嘉為左僕射尚書宋弁  
為吏部尚書與太尉咸陽王禧右僕射任城王澄等六人  
輔政夏四月景午朔帝崩于穀塘原之行宮時年二十三  
祕諱至魯陽發喪還京師上謚曰孝文皇帝廟曰高祖五  
月景申葬長陵帝幼有至性年四歲時獻文患雍帝親自  
吮膿五歲受禪悲泣不自勝獻文問其故對曰代親之感  
內切於心獻文甚歎異之文明太后以帝聰聖後或不利  
馮氏將謀廢帝乃於寒月單衣閉室絕食三朝召咸陽王  
禧將立之元正穆泰李冲固諫乃止帝初不有憾唯深德  
不等撫念諸弟始終曾無纖介惇睦九族禮敬俱深雖於

大臣持法不縱然性寬慈進食者曾以熱羹覆帝手又曾於食中得蟲穢物並笑而恕之宦者先有譖帝於太后太后杖帝數十帝默受不自申明太后崩後亦不以介意聽覽政事從善如流哀矜百姓相思所以濟益天地五郊宗廟二分之礼常必躬親不以寒暑為倦尚書奏案多自尋省百官大小無不留心務於周洽每言凡為人君患於不均不能推誠遇物苟能均誠胡越之人亦可親如兄弟常從容謂史官曰直書時事無諱國無人君威福自己史復不書將何所懼南北征巡有司奏請修道帝曰粗修橋梁通輿馬便止不須去草刻令平也凡所修造不得已而為之不為不急之事重損人力巡幸淮南如在內地軍事須伐人樹者必留絹以酬其直人苗稼無所傷踐諸有禁忌穰厭之方非典籍所載者一皆除罷雅好讀書手不釋卷五經之義覽之便講學不師受探其精奧史傳百家無不該涉善談莊老尤精釋義才藻富贍好為文章詩賦銘頌在興而作有大文筆馬上口授及其成也不改一字自太和十年已後詔冊皆帝文也自餘文章百有餘篇愛奇好士情如飢渴待納朝賢隨才輕重常寄以布素之意悠然玄邁不以世務嬰心又少善射有膂力年十餘能以指彈碎羊膊骨射禽獸莫不隨行所至而斃之至十五便不復



殺生射獵之事悉止性儉素常服澣濯之衣鞞勒鐵木而巳帝之雅志皆此類也

論曰有魏始基代朔廓平南夏闢土經世咸以威武爲業文教之事所未遑也孝文纂承洪緒早著睿聖之風時以文明攝事優游恭巳玄覽獨得著目不言神契所擿固以符於冥化及躬揔大政一日萬幾十許年間曾不暇給殊塗同歸百慮一致夫生靈所難行人倫之高迹雖尊君黃屋盡蹈之矣若乃欽明稽古協御天人帝王制作朝野軌度斟酌用舍煥乎其有文章海內黔黎咸受耳目之賜加以雄才大畧愛竒好士祖下如傷役巳利物亦無得而補

之其經緯天地豈虛謚也。

魏本紀第三

方洽周益 周巳干 孫粹然 校正

魏本紀第四

北史四

世宗宣武皇帝諱恪孝文皇帝第二子也母曰高夫人初  
夢為日所逐避於牀下日化為龍繞已數匝寤而驚寤遂  
有娠太和七年閏四月生帝於平城宮二十一年正月景  
申立為皇太子二十三年四月景午孝文帝崩丁巳太子  
即皇帝位諒闇委政宰輔五月高麗國遣使朝貢六月乙  
卯分遣侍臣巡行州郡問人疾苦考察守令黜陟幽明褒  
禮名賢戊辰追尊皇妣曰文昭皇后秋八月戊申遵道詔  
孝文皇帝三夫人已下悉免歸家癸丑增官宦位一級冬  
十月癸未鄧至國王象舒彭來朝景戌謁長陵丁酉享太

廟十一月幽州人王惠定聚眾反自稱明法皇帝刺史李肅捕斬之是歲州鎮十八水饑分遣使者開倉振恤

景明元年春正月辛丑朔日有蝕之壬寅謁長陵乙巳大赦改元丁未齊豫州刺史裴叔業以壽春內屬二月戊戌復以彭城正魏為司徒齊將胡松李君士軍屯宛陳伯之水軍逼壽春夏四月景申司徒彭城王勰車騎將軍王肅大破之己亥皇弟悅薨五月甲寅北鎮饑遣兼侍中楊播巡撫振恤六月景子以司徒彭城王勰為大司馬秋七月己亥朔日有蝕之齊將陳伯之寇淮南八月乙酉彭城王勰破伯之於肥口九月齊州人柳世明聚眾反冬十月丁

卯朔謁長陵庚寅齊克二州討世明平之丁亥改授彭城王勰司徒錄尚書事十一月丁巳陽平王暉薨是歲州鎮十七大饑分遣使者開倉振恤高麗吐谷渾等國並遣使朝貢

二年春正月景申朔謁長陵庚戌帝始親政遣詔聽司徒彭城王勰以老歸第進大尉咸陽王禧位大保以司空北海王詳為大將軍錄尚書事丁巳引見羣臣於太極前殿皆以覽政之意壬戌以太保咸陽王禧領大尉以大將軍廣陵王羽為司空分遣大使黜陟幽明二月庚午進宿衛之官位一級甲戌大赦三月乙卯朔詔以此年連有軍

旅正調之外皆蠲罷壬戌青齊徐兗四州大饑人死者萬餘口是月齊雍州刺史蕭衍奉其南康王寶融為主東赴建鄴夏五月壬子廣陵王羽薨壬戌太保咸陽王禧謀反賜死六月丁亥考諸州刺史加以黜陟秋七月癸巳朔日有蝕之乙巳螭螭犯塞辛酉大赦九月丁酉發畿內夫五方五千人築京師三百二十坊四旬罷己亥立皇后于氏乙卯免壽春營戶竝隸揚州冬十一月景申以驃騎大將軍穆亮為司空丁酉以大將軍北海王謨為大傅領司徒壬寅改築圓立於伊水之陽乙卯仍有事焉十二月齊直後張齊殺其主蕭寶卷以降蕭衍是歲高麗吐谷渾等國竝遣使朝貢

三年春二月戊寅以旱故詔州郡掩骸骨三月齊建安王寶寅來奔夏四月詔撫軍將軍李崇討魯陽反蠻齊主蕭寶融遜位於梁閏四月丁巳司空穆亮薨秋七月丁巳朔日有蝕之八月丁卯以前太傅平陽公元丕為三老九月丁巳行幸鄴丁卯詔使者弔比干墓戊寅閱武於鄴南冬十月庚子帝躬御弧矢射遠及一里五十步羣臣勒銘於射所甲辰車駕還宮十一月壬寅以太極前殿初成饗羣臣賜布帛有差是歲河州大饑死者二千餘口西域二十七國竝遣使朝貢

四年春正月乙亥親耕籍田三月己巳皇后先蠶於北郊  
四月癸未朔以蕭寶夤為東揚州刺史封丹楊郡公齊王  
庚寅南天竺國獻辟支佛牙戊戌為旱故命鞠寃獄己亥  
減膳徹懸辛丑澍雨大洽五月甲戌行梁州事楊椿大破  
反氐六月壬午朔封皇弟悅為汝南王秋七月乙卯二老  
平陽公元丕薨庚午詔復收鹽池利辛未以彭城王勰為  
太師八月勿吉國貢楛矢冬十一月己未封武興國世子  
楊紹先為武興王

正始元年春正月景寅大赦改元夏五月丁未朔太傅北  
海王詳以罪廢為庶人六月以旱故徹樂減膳癸巳詔有  
司脩案舊典祇行六事甲午帝以旱故親薦享於太廟戊  
戌詔立周日夷齊廟於首陽山庚子以旱故公卿以下引  
咎責躬文錄京師見囚殊死以下皆減一等鞭杖之坐悉  
原之秋七月景子假鎮高平將軍李崇大破諸蠻八月景子  
假鎮南將軍元英破梁將魯仙琕於義陽詔洛陽令有大  
事聽面敷奏之西三月英攻拔義陽辛卯英又大破梁軍仍  
清三關丁酉封英為中山王九月詔諸州蠲停徭役不得  
橫有徵發蠕蠕犯塞詔左僕射源懷討之冬十月乙未詔  
羣臣白衣募吏十一月戊午詔有司依漢魏舊章營繕  
國學十二月景子以苑牧公田分賜代遷戶己卯詔羣臣

議定律令閏月癸卯朔行梁州事夏侯道遷據漢中來降  
乙丑以高陽王雍為司空是歲高麗遣使來朝貢

二年春正月景子封宕昌世子梁彌博為宕昌王二月梁  
州氏蜀反絕漢中運路州刺史邢巒頻大破之夏四月己  
未城陽王鸞薨乙丑詔曰中三所銓俱為門第吏部彝倫  
仍不才舉八坐可審議往代擢賢之體必令才學並申資  
望兼致邢巒遣統軍王足西伐頻破梁諸軍遂入劍閣秋  
七月戊子王足擊破梁軍因逼涪城八月壬寅詔中山王  
英南討襄沔冬十一月戊辰朔武興王楊紹先叔父集起  
謀反詔光祿大夫楊椿討之王足圍涪城益州諸郡咸降

者十二三送編籍者五萬餘戶既而足引軍退是歲鄧至  
國遣使朝貢

三年春正月丁卯朔皇子昌生大赦壬申梁秦二州刺史  
邢巒運破氏賊剋武興秦州人王智等聚眾自號王公尋  
推秦州主簿呂苟兒為主年號建明己卯楊集起兄弟相  
率降二月景辰詔求讜言戊午詔古衛將軍元翽等討呂  
苟兒三月己巳以戎旅興詔停諸作己卯樂良王長命坐  
殺人賜死庚寅平南將軍曲江縣公陳伯之自梁城南奔  
夏四月丁未詔罷鹽池禁五月景寅詔以時澤未降秦稼  
已旱或有孤老餓疾無人贍救因以致死暴露溝塹者令

洛陽部尉依法棺埋秋七月庚辰元麗大破秦賊降呂苟  
兒及其王公三十餘人秦涇三州平戊子中山王英大破  
梁徐州刺史王伯敷於陰陵己丑詔發定襄瀛相弁肆六  
州卒十萬以濟南軍八月壬寅安東將軍刑巒破梁將桓  
和於孤山諸將所在剋捷兗州平壬戌曲赦涇秦岐涼河  
五州九月癸酉刑巒大破梁軍於淮南遂攻鍾離冬十一  
月甲子帝為京兆王愉清河王懌廣平王懷汝南王悅講  
孝經於式乾殿是歲高麗蠕蠕國並遣使朝貢

四年夏四月戊戌鍾離大水中山王英敗績而還六月己  
丑朔詔有司準前式置國子立太學樹小學於四門秋八

月己亥中山王英齊王蕭寶夤坐鍾離敗除名辛丑敷皇  
人饑詔開倉振恤九月己未詔以徙正宮極庸績未酬以  
司空高陽王雍為太尉尚書令廣陽王嘉為司空百官悉  
進位一級庚申夏州長史曹明謀反伏誅甲子開斜谷舊  
道景武司州人饑詔開倉振恤閏月甲午禁大司馬門不  
得車馬出入冬十月丁卯皇后于氏崩自碣石至於劍閣  
東西七千里置二十二郡尉是歲西域東夷四十餘國並  
遣使朝貢

永平元年春二月戊子皇子昌薨景午以去年旱儉遣使  
者所在振恤夏三月辛卯帝以旱故減膳徹懸六日己申

詔依洛陽舊圖脩聽訟觀秋七月甲午立夫人高氏為皇后八月壬子朔日有蝕之癸亥冀州刺史京兆王愉豫州反丁卯大赦改元九月景戎復前中山王英本封戎戎殺太師彭城王勰癸卯假鎮北將軍李平剋信都冀州平冬十月豫州彭城人白早生殺刺史司馬悅據城南叛十二月己未尚書邢繇剋懸瓠斬早生禽梁將齊苟兒等是歲北狄東突西域十八國竝遣使朝貢高昌國王麴嘉表求內徙

二年春正月涇州沙門劉慧汪聚眾反詔華州刺史姜康生討之夏四月巴西武川鎮饑詔開倉振恤甲子詔緣邊州鎮自今一不聽寇盜境外犯者罪同境內五月辛丑帝以旱故減膳徹懸禁斷屠殺甲辰幸華林都亭錄囚徒死罪以下降一等六月辛亥詔曰江海方同車書宜一諸州軌轍南北不等今可申救四方遠近無二秋八月景午朔日有蝕之戊申以鄧至國世子儼覽歸為其國王九月辛巳封故北海王子顥為北海王壬午詔定諸門闥名冬十月癸丑以司空廣陽王嘉為司徒庚午郢州獻七寶牀詔不納冬十月甲申詔禁屠殺含孕以為永制己丑帝於式乾殿為諸僧朝臣講維摩詰經十二月詔五等諸侯其同姓者出身公正六下侯從六上伯從六下子正七上男正



七下異族出身公從七上侯從七下伯正八上子正八下  
男從八上清脩出身公從八下侯正九上伯正九下子從  
九上男從九下是歲西域東夷二十四國並遣使朝貢  
三年春二月壬子秦州沙門劉光秀謀反州郡捕斬之癸  
亥秦州隴西羌殺鎮將趙雋反州軍討平之三月景戌皇  
子詡生大赦夏四月平陽郡之禽昌襄陵二縣大疫自正  
月至此月死者二千七百三十八五月丁亥異定二州旱  
儉詔開倉振恤六月甲寅詔重求遺書於天下冬十月辛  
卯中山王英薨景申詔太常立館使京畿內外疾病之徒  
咸令居處嚴敕醫署分師救療考其能否而行賞罰又令  
有司集諸醫工惟簡精要取三十卷以班九服十二月辛  
巳江陽王繼坐事除名甲申詔於青州立孝文皇帝廟殿  
中侍御史王敞謀反伏誅是歲西域東夷北狄十六國並  
遣使朝貢

四年春正月丁巳汾州劉龍駒聚衆反詔諫議大夫薛和  
討之二月壬午青齊徐兗四州人饑甚遣使振恤三月壬  
戌司徒廣陽王嘉薨夏四月梁遣其鎮北將軍張穆及馬  
仙理寇朐山詔徐州刺史盧昶率衆赴之五月己亥遷代  
京銅龍置天泉池西景辰詔禁天文學冬十一月朐山城  
陷盧昶大敗而還十二月壬戌朔日有蝕之是歲西域東

夷北狄二十九國竝遣使朝貢

延昌元年春正月乙巳以頻年水旱百姓饑弊分遣使者  
開倉振恤景辰以尚書令高肇為司徒清河王懌為司空  
三月甲午州郡十一大水詔開倉振恤以京師穀貴出倉  
粟八十萬石以振恤貧者己未安樂王詮薨夏四月詔以  
旱故斷食粟之畜丁卯詔曰遷京嵩縣年將二紀博士端  
然虛祿靖言念之有兼愧慨可嚴敕有司國子學並使  
成太學四明明年暮春令就戊辰以旱故詔尚書與羣司  
鞠理獄訟辛未詔饑人就穀六鎮丁丑帝以旱故減膳徹  
懸癸未詔曰肆州地震陷裂死傷甚多亡者不可復追生  
病宜加療救可遣太醫折傷醫并給所須藥就療乙酉大  
赦改元詔立理訴殿申訟車以盡冤窮之理五月景午詔  
天下有粟之家供年之外悉貸饑人自二月不雨至於是  
月己未晦日有蝕之六月壬申澍雨大洽戊寅通河南北  
馬之禁庚辰詔出太倉粟五十萬石以振京師及州郡饑  
人冬十月乙亥立皇子詡為皇太子十一月景申詔以東  
宮建賜天下為父後者爵一級孝子順孫廉夫節婦旌表  
門閭量給粟帛十二月己巳詔守宰為御史彈赦免者又  
考在中第皆代之是歲西域東夷十國竝遣使朝貢  
二年春正月戊戌帝御申訟車親理冤訟二月景辰朔振

恤京師貧人甲戌以六鎮大饑開倉拯贍己卯進太尉高陽王雍位太保閏月辛丑以苑牧地賜代遷人無田者是春人饑死者數萬是月庚子以絹十五萬疋振河南郡人五月甲寅朔日有蝕之是月壽春大水遣平東將軍奚康生等步騎數千赴之六月乙酉青州人饑詔使者開倉振恤甲午曲赦揚州辛亥帝御申訟車親理寃訟是夏十三郡大水秋八月辛卯詔以水旱饑儉百姓多陷罪辜降死以下刑九月景辰以貴族豪門崇習奢侈詔尚書嚴立限級節其流宥冬十月詔以恒肆地震人多死傷重巧一年租賦十二月景戌巧洛陽河陰二縣租賦乙巳詔以恒肆地震人多離災其有課丁沒盡老幼單立家無受復者各賜廩粟以接來稔是歲東夷西域十餘國並遣使朝貢

三年春二月乙未詔曰肆州秀容郡敷城縣鴈門郡石碯縣並自去年四月以來山鳴地震于今不已告謹彰朕甚懼焉可恤寃寃刑以答災謹夏四月青州人饑辛巳開倉振恤乙巳上御申訟車親理寃訟秋八月甲申帝臨朝堂考百司而加黜陟冬十一月辛亥詔司徒高肇為大將軍平蜀大都督步騎十五萬西伐益州丁巳幽州沙門劉僧紹聚眾反自號淨居國明法王州郡捕斬之十二月庚

寅詔立明堂是歲東夷西域八國並遣使朝貢

四年春正月甲寅帝不豫丁巳崩于武乾殿時年三十三  
二月甲戌朔上尊謚曰宣武皇帝廟號世宗申午葬景陵  
帝幼有大度喜怒不形於色雅性儉素初孝文欲觀諸子  
志尚大陳寶物任其所取京兆王愉等皆競取珍玩帝唯  
取骨如意而已孝文大奇之及庶人恂失德孝文謂彭城  
王勰曰吾固疑此兒有非常志相今果然矣乃見立為儲  
貳雅愛經史尤長釋氏之義每至講論連夜忘疲善風儀  
美容貌臨朝深嘿端嚴若神有人君之量矣

肅宗孝明皇帝諱詡宣武皇帝之第二子也母曰胡充華

永平三年三月景成生於宣光殿之東北有光照於庭中  
延昌元年十月乙亥立為皇太子四年正月丁巳宣武帝  
崩是夜太子即皇帝位戊午大赦己未徵下西討東防諸  
軍庚申詔太保高陽王雍入居西柏堂決庶政以任城王  
澄為尚書令百官摠已以聽二王二月庚辰尊皇后高氏  
為皇太后辛巳司徒高肇去京師以罪賜死癸未進太保  
高陽王雍位太傅領六討以司空清河王懌為司徒以驃  
騎大將軍廣平王元之文尊胡充華為皇太妃三  
月甲辰朔皇太后出儀為尼從御金墉城景辰詔進宮臣  
位一級乙丑進文武羣官位一級夏六月沙門法慶聚眾

反於異州殺阜城令有稱大乘秋八月乙亥領軍于忠矯  
詔殺左僕射郭祚尚書裴徽免太傅高陽王雍官以王還  
第景子尊皇太妃為皇太后戊子帝朝太后於宣光殿大  
赦己丑進司徒清河王暉為太傅領太尉以司空廣平王  
懷為太保領司徒任城王澄為司空庚寅以車騎大將軍  
于忠為尚書令特進崔光為車騎大將軍立儀同三司壬  
辰復江陽王繼本國復濟南王彧先封為臨淮王羣臣奏  
請皇太后臨朝稱制九月乙巳皇太后親覽萬機甲寅征  
西大將軍元遙破斬法慶傳首京師安定王燮薨冬十二  
月辛丑以高陽王雍為太師己酉鎮南將軍崔亮破梁將

趙祖悅軍遂圍破石丁卯帝皇太后謁景陵是歲東夷西  
域北狄十八國並遣使朝貢

熙平元年春正月戊辰朔大赦改元荆沔都督元志大破  
梁軍以吏部尚書李平為行臺節度討破石諸軍二月乙  
巳鎮東將軍蕭寶實大破梁將於淮北癸亥初聽秀才對  
策第中上巳上叙之乙丑鎮南崔亮鎮軍李平等剋破石  
斬趙祖悅傳首京師盡俘其衆三月戊辰朔日有蝕之夏  
四月戊戌以瀛州人饑開倉振恤五月丁卯朔以炎皇命  
釐察獄訟權停作役庚午詔放華林野獸於山澤秋七月  
庚午重申殺牛禁八月景平詔古帝諸陵四面各五十步

勿聽耕稼九月丁丑淮堰破梁緣淮城戍村落十餘萬口  
皆漂入海是歲吐谷渾宕昌鄧至高曰陰平等國並遣使  
朝貢

二年春正月太乘餘賊復相聚攻瀛州刺史宇文福討平  
之甲戌大赦庚寅詔遣大使巡行四方問疾苦恤孤寡黜  
陟幽明二月丁未封御史中尉元匡為東平王三月丁亥  
太保領司徒廣平王懷薨夏四月丁酉詔京尹所統年高  
者板賜郡各有差戊申以開府儀同三司胡國珍為司徒  
乙卯皇太后幸伊闕石窟寺即日還宮改封安定王超為  
北平王五月庚辰重申天文禁犯者以大辟論秋七月乙

亥儀同三司汝南王悅坐殺人免官以王還第己巳享太  
廟八月戊戌宴道武以來宗室年十二以上於顯陽殿申  
家人禮己亥詔庶族子弟年未十五不聽入仕庚子詔咸  
陽京兆二王子女還附屬籍丁未詔太師高陽王雍入居  
門下參決尚書奏事冬十月以幽冀滄瀛光五州鑿遣使  
巡撫開倉振恤是歲東夷西域吐蕃等十二國並遣使朝  
貢

神龜元年春正月甲子詔以武西楊定高陰平王壬申詔  
給京畿及諸州老人板郡縣各有差及勸課農桑獨粟帛  
庚辰詔以雜役口或冒入清流所在職人皆令立人相保

無人任保者奪官遠役乙酉秦州進軍大飢死者三  
千七百九十人詔刺史開倉振恤二月己酉詔以神龜表  
瑞大赦改元東益武武二月南秦州進軍四月丁酉  
司徒胡國珍薨甲辰改封江陽王繼為京兆王六月自正  
月不雨是月辛卯澍雨乃降秋七月河州人却鐵忽聚衆  
反自稱水池王閏月甲辰開州銀山禁八月癸丑朔詔  
京師見囚殊死以下悉減一等甲子却鐵忽詣行臺源子  
恭降八月戊申皇太后高氏崩于瑶光寺冬十月丁卯以  
尼禮葬高太后於慈山十二月辛未詔曰人生有終丁歸  
兆域京邑隱振盈億萬貴賤攸憑未有完所今制乾脯

山以西擬為九原是歲東夷西域北狄十一國並遣使朝  
貢

二年春正月辛巳朔日有蝕之丁亥詔曰皇太后撝搃白  
居稱號弗備宜遵舊典稱詔字內以副黎蒸元元之望是  
月改葬文昭皇太后高氏二月乙丑齊郡王祐薨庚午羽  
林千餘人焚征西將軍張彝第毆傷彝燒殺其子均乙亥  
大赦丁丑詔求直言壬寅詔以旱故命依舊零祈察理寬  
獄掩骼埋骸振窮恤寡三月甲辰澍雨大洽夏五月戊戌  
以司空任城王澄為司空京兆王繼為司空秋八月乙未  
御史中尉東平王匡坐事削除官爵九月庚寅皇太后幸

嵩高山癸巳還宮夏十二月癸丑司徒任城王澄薨庚申  
大赦詔除淫祀焚諸雜神是歲吐谷渾宕昌嚙噠等國並  
遣使朝貢

正光元年春正月乙亥朔日有蝕之夏四月景辰詔尚書  
長孫承業巡撫北蕃觀察風俗五月辛巳以交平故詔八  
坐鞠見囚申枉濫秋七月景子侍中元又中常侍劉騰奉  
帝幸前殿矯皇太后詔歸政遜位乃幽皇太后北宮殺太  
傅清河王懌摠勒禁旅決事殿中辛卯帝加元服大赦改  
元內外百官進位一等八月甲寅相州刺史中山王熙舉  
兵欲誅騰不果見殺九月壬辰蠕蠕主阿那瓌來奔戎戎

以太師高陽王雍為丞相十月乙卯以儀同三司汝南  
王悅為太尉十一月己亥封阿那瓌為朔方郡公蠕蠕王  
十二月壬子詔送蠕蠕王阿那瓌歸北辛酉以司空元兆  
王繼為司徒

二年春正月南秦州氏反二月去駕車國子學講孝經三  
月庚午幸國子學祠孔子以顏回配甲午右衛將軍奚康  
生於禁中將殺元又不果為又所言以儀同三司劉騰為  
司空夏四月庚子進司徒京兆王繼位太保壬寅以儀同  
三司崔光為司徒五月丁酉朔日有蝕之秋七月己丑以  
旱故詔有司脩案舊典祇行六事八月己巳蠕蠕後主郁



又問侯匿伐來奔懷朔鎮十二月甲戌詔司空崔光安豐  
王延明等議定服章庚辰以東益南秦州氏反詔河閒王  
琛討之失利是歲焉耆居密波斯高昌勿言伏羅高車等  
國並遣使朝貢

三年春正月辛亥耕籍田夏四月丙辰以高車國主覆羅  
伊訶為鎮西將軍西海郡公高車國王五月壬辰朔日有  
蝕之六月己巳以旱故詔分遣有司馳祈岳瀆及諸山川  
百神能與雲雨者命理寃獄止土功減膳徹縣禁止屠殺  
冬十一月己丑朔日有蝕之乙巳祝圓立景午詔班曆大  
赦十二月癸酉以太保京兆王繼為太傅司徒崔光為大

保是歲波斯不溪龜茲吐谷渾並遣使朝貢

四年春二月壬申追封故咸陽王禧為敷城王京兆王愉  
為臨洮王清河王懌為范陽王以禮加葬丁丑河間王琛  
章武王融並以貪汙削爵除名己卯蠕蠕主阿那瓌率眾  
犯塞遣尚書左丞元孚為北道行臺持節喻之蠕蠕後主  
郁久間侯匿伐來朝司空劉騰薨夏四月阿那瓌執元孚  
北道秋八月癸未追復故范陽王懌為河間王九月丁酉  
詔太尉汝南王悅入居門下與丞相高陽王雍參奏尚書  
奏事冬十一月癸未朔日有蝕之景申趙郡王謚薨丁酉  
太保崔光薨十一月以太尉汝南王悅為太保徐州刺史

北海王顥坐貪汙削爵除官是歲宕昌庫莫奚國並遣使朝貢

五年春正月辛丑祀南郊三月沃野鎮人破大韓拔陵反聚眾殺鎮將號真王元年夏四月高平酋長胡琛反自稱高平王攻鎮以應拔陵別將盧祖遷擊破之五月都督北征諸軍事臨淮王彧攻討敗于五原削除官爵壬申詔尚書李崇爲大都督率廣陽王深等北討六月秦州城人莫折大提據城反自稱秦王殺刺史李齊大提尋死子念生代立僭稱天子年號天建置立百官丁酉大赦秋七月戊午復河間王琛臨淮王彧本封是月涼州幢帥于菩提

呼延雄執刺史宋穎據州反念生遣其兄高陽王天生下隴東寇八月甲午雍州刺史元志西討大敗於隴東退守歧州景申詔諸州鎮軍元非犯配者悉免爲編戶改鎮爲州依舊立稱九月壬申詔尚書左僕射齊王蕭寶夤爲西道行臺大都督復撫軍北海王顥官爵爲都督並率諸將西討乙亥帝幸明堂餞寶夤等吐谷渾主伏連籌遣兵討涼州于菩提走追斬之城人趙天安復推宋穎爲刺史冬十月營州城人劉安定就德興據城反執刺史李仲遵城人王惡兒斬安定以降德興東走自號燕王十二月詔太傅京兆王繼爲太師大將軍率諸將西討汾州正平平陽

胡叛逆詔復征東將軍章武王融封爵為大都督率衆討之莫折念生遣兵攻涼州城人趙天安復執刺史以應之是歲噉唵契丹地亘于庫莫奚等國並遣使朝貢

孝昌元年春正月庚申徐州刺史元法僧據城反自稱宋王年號天啓遣其子景仲歸梁梁遣其將豫章王綜入守彭城法僧撫其僚屬南入詔臨淮王彧尚書李憲為都督安豐王延明為東道行臺俱討徐州癸亥蕭寶夤及征西將軍崔延伯大破賊於黑水天生退走入隴涇岐及隴悉平以太師大將軍京兆王繼為太尉二月詔追復故樂良王長命爵以其子忠紹之代戊大赦三月甲戌詔五品以

上各薦所知夏四月辛卯皇太后復臨朝攝政引羣臣面陳得失壬辰征西將軍都督崔延伯大敗於涇川戰歿六月癸未大赦改元蠕蠕主阿那瓌大破拔陵是月諸將逼彭城蕭綜夜潛出降梁諸將奔退衆軍追躡免者十二二秋八月癸酉詔斷遠近貢獻珍麗違者免官柔玄鎮人杜洛周反於上谷年號真王九月乙卯詔減天下諸調之半壬戌詔五品以上各舉所知辛未曲赦南北秦州冬十月蠕蠕遣使朝貢十一月辛亥詔父母年八十以上者皆聽居官時四方多事諸蠻復反十二月山胡劉彞升反自稱天子

二年春正月庚戌封廣平王懷長子誨爲范陽王壬子以太保汝南王悅領大尉是月五原鮮于脩禮反於定州年號魯興二月庚申帝及皇太后臨大夏門親覽冤訟三月庚子追復中山王浟本爵以其子叔仁紹之夏四月大赦戊申北討都督河間王琛長孫承業失利奔還詔並免官爵五月丁未車駕將北討內外戒嚴前給事黃門侍郎元略自梁還朝封義陽王以丞相高陽王雍爲大司馬六月己巳由赦齊州絳蜀陳雙熾聚衆反自號始建王由赦平陽建興正平三郡詔假鎮西將軍都督長孫承業討雙熾平之景子改封義陽王略爲東平王戊寅詔復京兆王繼

本封江陽王戊子詔曰自運屬艱棘歷載于茲朕威德不能遐被經略無以及遠何以苟安黃屋黃槐黔黎今便避居正殿蔬食素服當親自招募收集忠勇其有直言正諫之士敢決徇義之夫二十五日悉集華林東門人別引見共論得失秋八月景子進封廣川縣公元邵爲常山王戊子進武城縣公子攸爲長樂王癸巳賊帥元洪業斬鮮于脩禮請降爲賊黨葛榮所殺九月辛亥葛榮敗都督廣陽王深章武王融於博野白牛邏融歿於陣榮自稱天子國號齊年稱廣安冬十一月戊戌杜洛周攻陷幽州執刺史王延年及行臺常景景午稅京師田租畝五升借賃公田

者畝一斗閏月稅市人出入者各一錢石舍為五等梁將  
元樹逼壽春揚州刺史李憲力屈而降初留州縣及長史  
司馬戍主副質子於京師讀舊京淪覆中原喪亂宗室  
子女屬籍在七廟內為雜戶濫門拘辱者悉聽離絕是歲  
疊伏羅庫國並遣使朝貢

三年春正月甲戌以司空皇甫度為司徒儀同三司蕭寶  
夤為司空辛巳葛榮陷殷州刺史崔楷固節死之甲申詔  
峻鑄錢之制蕭寶夤大敗于涇州北海王顥尋亦敗走曲  
赦關西及正平平陽建興戊子以司徒皇甫度為太尉已  
丑以四方未平詔內外戒嚴將親征二月丁酉詔開輸賞

格輸粟入灑定歧雍四州者官斗二百斛賞一階入一華  
州者五百石賞一階不限多少粟畢授官虜賊據潼關三  
月甲子詔將西討中外戒嚴虜賊走復潼關秋七月相州  
刺史安樂王鑒揚州反已丑大赦八月都督源子邕李神  
軌裴衍攻鄴丁未斬陝州平九月己未東豫州刺史元  
慶和以城南叛秦州城人杜粲殺莫折念生自行州事冬  
十月戊申曲赦恒農巴西河北正平平陽邵郡及關西諸  
州軍甲寅雍州刺史蕭寶夤據州反自號齊年稱隆緒十  
一月己丑葛榮攻陷冀州執刺史元亨遂出居人凍死者  
十六七十一月戊申都督源子邕裴衍與榮戰敗於陽平

東北並歿是月杜粲為駱超所殺超遣使歸罪是歲蠕蠕遣使朝貢

武泰元年春正月乙丑生皇女祕言皇子景寅大赦改元丁丑雍州人侯終德相率攻蕭寶夤寶夤度渭走雍州平二月癸丑帝崩於顯陽殿時年十九甲寅皇子即位大赦皇太后詔留皇家握曆受圖年將二百祖宗累聖社稷載安高祖以文思先天世宗以下武繼世大行在御重以寬仁奉養率由溫明恭順實望雲霓降祐麟趾衆繁自潘允華有孕椒宮異誕儲兩而能寵無兆唯虺遂彰于時直以國步未康假稱統胤欲以底定物情係仰宸極何圖一旦

丐劍莫遺皇曾孫故臨洮王寶暉世子劍體自高祖天表卓異天行平日養愛特深義教若子事符當璧允膺大寶即日踐祚可班宣遠邇咸使知之乙卯幼主即位儀同三司大都督尔朱榮抗表請入奔走勒兵而南是月杜洛周為葛榮所并三月甲申上尊諡曰孝明皇帝乙酉葬於定陵廟號肅宗四月戊戌爾朱榮濟河庚子皇太后幼主崩論曰宣武承聖考德業天下想望風化垂拱無為邊徼稽服而寬以攝下從容不斷太和之風替矣比之漢世安順宣武之後繼以元成孝明沖齡統業靈后婦人專制任用非入賞罰乖舛於是豐起宇內禍延邦畿卒於享國不長

24574.2

擲亦淪胥之始也

魏本紀第四

北史四


方洽周益

周巳干

孫粹然

校正





八九八